

UPO

Scientific Name: *Lagenaria leucantha* Rusby
Family: Cucurbitaceae



Napakadaling patubuin ng upo. Ang dalawang uri nito ay Indian Club Shape at ang Round Form.

Nakatutubo nang mabuti sa lupang buhaghag at mayaman sa organikong abono. Itinatanim mula Oktubre hanggang Disyembre o pagkatapos ng tag-ulan. Maaaring lagyan ng balag o kaya'y hayaang gumapang sa lupa.

Paraan ng Pagtatanim

Aruruhin at suyurin ang bukid nang 2-3 ulit bago magtanim. Sa pagtatanim, ihulog ang 2-3 buto sa tundos na 2 hanggang 2 ½ metrong agwat sa bawat tudling na may 3 metrong pagitan. Diligin ito araw-araw. Isagawa ang mababaw na pagbubungkal bago kumalat ang mga baging upang mapanatiling buhaghag at mahalumigmig ang lupa at hindi makatubo ang mga damo.

Maglagay ng abono o dumi ng hayop upang magpatuloy ang paglago ng pananim. Nakatutulong ang araw-araw nag pagpapatubig upang mapakinabangan ng mga pananim ang mga sustansiya mula sa dumi ng hayop.

Anihin ang mga bunga ng upo habang ito'y mura pa.

Ang mga pangunahing sakit ng upo ay ang downy mildew at powdery mildew. Upang masugpo ito, bombahin ang copper fungicides ang mga may sakit na pananim.

Ang karaniwang mapaminsalang kulisap sa upo ay ang "squash leaf beetle" at "fruitfly". Magbomba ng Malathion kung kinakailangan.